



**Andreæ Vallensis Vvlgo Del Vavlx Andanensis, I. V. D. Et  
In Alma Academia Lovaniensi SS. Canonum Professoris  
Ordinarii, Paratitla Ivris Canonici Sive Decretalivm D.  
Gregorii Papæ IX. Svmmaria Ac ...**

**Delvaux, André**

**Coloniæ Agrippinæ, 1686**

3. Election. sepulturæ unicuiq; libera[m] esse.

---

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

habeat, sepeliri debet, dummodo absque periculo ad illud asportari valeat, e. Is qui hoc sit, in 6. quartâ tamen data Ecclesiæ rurali, in qua percepit Sacra menta.

3. Tempore vero interdicti Ecclesiastici, is quem alias in sepulcro majorum suorum sepeliri oportuit, sepelietur in Ecclesia paroeciali, vel Cathedrali, si & ista non sit interdicta. Quod si haec omnes interdicto subjaceant, in nulla earum sepeliri quis potest, e. Vipr. v. legia sup de privilegiis, sed in Monasterio proximiori, Sylvestri in V. Sepultura n. 8.

4. Peregrini, si deferri commodè ad sepulcra majorum possint, in iis sepeliendi; sin minus aut si majorum sepulcra ignorantur, præventioni locus erit inter Cathedralem & paroeciale Ecclesiam, nisi Sacra menta percepient in paroeciali, quia tunc tacite censemur elegiisse in ibi sepulcram: quemadmodum & advenas qui primum venerint, animo manendi in eo loco. Idem dicendum est de Scholaribus aut damnatis ad mortem, nisi contraria sit consuetudo: deque exteris ac forensibus, habentibus hospitium in civitate, cum in ea Sacra menta percipient: imò etiam de viatoribus transiuntibus, nec habentibus hospitium. Nam licet hoc casu Glos. & nonnulli alii jus sepulturae afferant via silentque Cathedrali: verius tamen est, spectare illud ad paroeciale Ecclesiam, præsertim si per presbyterum paroeciale fuerint administrata Sacra menta, Riccius in Praxi Decisi 659.

5. Praelati Regulares sepeliri debent in Ecclesia sua Praelaturæ, vel, si in duabus Ecclesiis. Praelati existant, ubi moriuntur, Archidi. in d. s. Cum quia b. s. in 6. Religiosi vero non peregrinii in loco sua religionis, vel alias in Monasteriis sui Ordinis, si illuc commodè transferri possint, aut in paroeciali loci, in quo decedunt, san. I. XVI qn. 1.

6. Denique Clerici in Ecclesia, in qua sunt beneficiati, quia ibi censemur habere domicilium, e. 3. de tempor. ordinat. in 6. maximè Praelati, qui habentur pro viris & coniugibus Ecclesiæ, san. Si vir v. 2. qn. 1. s. 2. & 3. sup. de translatis.

Episcopi.

### §. III.

Electionem sepulturae unicuique liberae esse.

1. Libera cuius electione est sepultura.
2. Etiam uxori, in consilio marito, & filio familiae.
3. Non verò Religiosi, aut condemnatis per sententiam.
4. In hac electione variare licet.
5. Pena sepeliens alienum paroecianum.
6. Eleccio sepultura alteri committi potest.
7. Ius funerandi quibus Ecclesiæ competat.

1. Regula superior, dictans quemque sepeliendum in Ecclesia paroeciali, seu ejus coemeterio, in qua recipit aut recipere debet Sacra menta, & audire divina, fallit, si vel elegit alibi sepulcram; aut alibi sepulcra majorum habeat: liberum enim est cuilibet, quo vel loco, dummodo vel ex jure communis vel ex privilegio jus funerandi illi competit, sepulcram sibi deligere, e. a. in V. nulli ramus negamus, q. 1. Cum super hoc sit e. 2. §. fin. hoc sit. in 6. Sic Christus natus in Bethlehem, nutritus in Nazareth, Matth. 2. sepultus fuit Jerosolymis in sepulchro Joseph.

2. Ad eò autem electione sepulturae libera est, ut etiam uxor, in consilio marito, & filius existens in potestate patris, modo si pubes, sine patris consensu hanc potestatem sibi vindicet, e. De uxore hoc sit & penitus eod. in 6. quia electus electionis conferatur in tempus, quo mulier solvit a lege viri, & filius à patria potestate. In iis autem, in quibus attenditur effectus paria sunt, disponere tempore habili, vel inhibili, modo effectus in tempus habile conferatur, l. Quid sponsa Cod. de donat. ante nuptias, l. In tempus D. de bared instituendis. Et propriea, sicut, liberum viro est eligere sepulcram, ita & mulieri, a. cap. De uxore: ob eandemque causam etiam servus sepulcram eligere potest, Joan. And. in d. c. De uxore, quia in spiritualibus cessat, patria aut dominica potestas, cap. 1. infra De conjugio servorum. Filio vero impuberi ob defectum judicij patris sepulcram eligit, si id secat loci consuetudo: alioquin ea cessante in sepulcro majorum, vel paroeciali Ecclesia sepeliendum est, d. e. penult.

3. Religiosi quoque, cum non habeant velle aut nolle, eligere sibi sepulcram aequaliter.

nisi forte adeo remoti à suis degant monasteriis ut cum moriuntur ad ea comodè transfiri non possint, sibi hoc sit. in 6.

Similiter nec adjudicati morti per sententiam, Iohannes Zech⁹ de Republica Christiana c. 28. vers. 2. secundum salteri, licet Sacra menta percipere valeant Clement. 1. De pœnit. & remissionibus Vti nec fūtūs, arg. cap. fin. sup. de succession ab intestato.

Ceteroquin adeo libera electio est in cœmis adultis seu puberibus, sive masculis, si refemini, ut etiam, antiqua sepultura dimissa sovram eligere cuilibet licet, & quidem in loco minus religioso; velut in Capella, in qua carnis, aut semel tantum in anno celebretur, cap. 2. § fin. hoc sit in 6. modò id malitiosè non fiat.

4. Quin etiam in hac electione variare quis potest ulque ad extreum vitæ spiritum, licet promiscerit antē se tali loco inhundam, vel illam Ecclesiam non electurum, cap. 1. hoc sit. in 6. c. 1. de pœnit. in 6. Imò verò districte inhibetur Clericis ac Religiolis, ne quem inducant id eligendum apud se sepulturam, vel jam electam ulterius non mutandam: aliterque facta electio nullius firmitatis decernitur, judeaturque defunctus deferrari ad eum locum, in quo, cœlastore rati electione, sepeliendus erat, d. c. 1. hoc sit in 6.

5. Quid si qui in alienum parœcianum sepelient, quem sepelire non debebant, vel quia canoniam portionem suæ Ecclesie non reliquerint, Fraternitatem hoc sit, vel quia ubi non elegint aut potuerint sepeliri: c. In nostra 10. ver. 2. Et demque h. t. tenentur illi, quicunque demum sint, ad restitutionem cadaveris cum omnibus, que occasione sepulturae quomodolibet accepint, c. Ex parte 5. cap. Cùm liberum 6. b. t. Quam nichi fecerint intra decennium, Ecclesia, in qua sepultus fuerit, simulque cœmentum eo ipso Ecclesiastico subiectur interdicto, quoniamque restitutioni satisfiat, c. 1. hoc sit. in 6. & ibid. Glos.

Nec etiam in potestate consanguineorum sit, ut defunctum extra parochiam aut majorum sepulcrum sepellant: excepto patre, qui profilio impubere sepulturam eligit, c. De uxore 7. hoc sit. Glos. Licit cod. in 6. \* 6. Posse tamen quem sepulturæ lux electionem alteri committit tradit Riccius in Fraxi Dœsi. 663. ubi Do-

cij seq. subiecit, electionem sepulturæ probaretiam per testes singulares, & sepulchrum familiæ vel hæreditarium probari ex inspectione literarum ipsi sepulcro inscriptarum.

7. Dixi ante, quemlibet sepeliendum in Ecclesia, quæ jus funerandi habeat: nec enim jus illud omnibus Ecclesiis competit, sed tantum habentibus populum seu parœcianos, vel ex privilegio aliquo, c. Numu iniqua 16. & c. seq. inf. de excessibus Prelatorum, c. Vi privilegia 24. inf. de privilegiis. Cujusmodi privilegium Prædicatoribus & Minoribus competit, Clement. Dicendum hoc sit.

8. An autem hi possint de jure communī processionaliter intrate parochiam, & per se, invito Pastore, accipere funus in sua Ecclesia sepeliendum, quæri potest. Posse tradit Emanuel Roderic. Quæst. Canon. & Regular. tomo 3. & Oldradus Consil. 152. Nihilominus nuper consultus in hac causa contrarium respondi, motus textus in can. Ecclesiæ XIII quæst. 1. Idque etiam tradit & probat Oldradus sibi contrarius Conf. 82. Late Rebuff. Ad Constitutiones Regias de sent. excommunicat. art. 3. Glossa 1. n. 3. Si quæ verò sit hac in re consuetudo vel pactum, omnino servari debet.

#### S. IV. De Sepulcro majorum.

1. Conceditur etiam laicis habere sepulcra in Ecclesia.
  2. Sepulcra alia Familiaria, alia Hæreditaria.
  3. Pacisci non licet, ut quis solus in loco aliquo habeat sepulcram.
  4. Qui veniant nomine Majorum quo ad sepulcra majorum.
  5. Filii apud quos sepeliendi.
  6. Vxor ubi sepelienda.
1. Cessante dicta electione, si quis sepulcrum majorum habeat, in eo sepeliri eum oportet, c. 1. hoc sit. cap. 1. vob. in 6. Sic Abraham, Isaac & Jacob, in membris existentes, voluerunt sepeliri in sepulcro majorum suorum, Genes. 25. 49. & 50. Et licet aliquando fuerit prohibitorum laicos sepeliri in Ecclesia, can. Præcipendum XIII quæst. 2. tamen ex humanitate quadam conceditur us, ut etiam in Ecclesia aliqua vel cœmentorio sepulcra majorum habeant: quæ alio-

qui